

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 08.05.2023թ. թիվ 2316360962 որոշումն անփոփոխ, իսկ վարչական բողոքն առանց բավարարման թողնելու մասին

<<23>> 05 2023թ. 7-13-

4920

ք.Երևան

Ճանապարհային ոստիկանության պետ, ոստիկանության գնդապետ Ն.Սարգսյանս, վերանայելով Եվա Սմբատյանի ՄԴ/37231-23 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Քաղաքացի Եվա Սմբատյանը (ծանուցման հասցե՝ քաղաք Երևան, Արաբկիր վարչական շրջան, Ռուբեն Սևակի փողոց, 16 տուն, ծանուցման էլ հասցե՝ dav saf@mail.ru) դիմումով խնդրել է վերանայել Ճանապարհային ոստիկանության վարչական տույժ նշանակելու մասին 08.05.2023թ. թիվ 2316360962 որոշումը՝ նշելով, որ իրավախախտման փաստը կասկած է հարուցում և տեսանյութի տևողությունը 53 վայրկյան է:

Դիմումի քննարկման արդյունքում պարզվել է, որ 08.05.2023թ. թիվ 2316360962 որոշումը ենթակա է կատարման հետևյալ պատճառաբանությամբ.

<<Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած տեսանյութն է կամ լուսանկարը, որը պարունակում է նաև տեխնիկական միջոցով արձանագրված տվյալները:

<< կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> 28.06.2007թ. թիվ 955-Ն որոշման 80-րդ կետի համաձայն՝ տրանսպորտային միջոցը տեղակայել թույլատրվում է երթևեկելի մասի եզրին զուգահեռ մեկ շարքով՝ բացառությամբ այն տեղերի /երթևեկելի մասի տեղային լայնացում/, որտեղ գծանշմամբ թույլատրված են տրանսպորտային միջոցների դասավորման այլ ձևեր:

Ճանապարհային ոստիկանության վարչական տույժ նշանակելու մասին 08.05.2023թ. թիվ 2316360962 որոշման մաս կազմող տեսանյութի մանրակրկիտ ուսումնասիրությունից պարզ է դառնում, որ Երևան քաղաքի Սայաթ-Նովա-Չարենց փողոցների խաչմերուկի հատվածում՝ մասնավորապես իրավախախտումը կատարած վայրում, դիմումատուի կողմից շահագործվող տրանսպորտային միջոցը տեղակայված է երթևեկելի մասի երկրորդ շարքում ժամը՝ 18:15:27-րդ վայրկյանից ժամը՝ 18:16:42-րդ վայրկյանը՝ տևելով 75 վայրկյան, իսկ <<Վարչական իրավախախտումների վերաբերյալ>> << օրենսգրքի 124-րդ հոդվածի 39-րդ մասի համաձայն՝ սույն հոդվածի 21-րդ և 25-րդ մասերով (միայն կանգառ կատարելու մասով) նախատեսված վարչական

իրավախախտումն ունի նվազ նշանակություն այն դեպքում, երբ կանգառը կատարվել է միայն ուղևորների նստելու կամ իջնելու նպատակով, չի գերազանցել մեկ թույլ ժամանակահատվածը, և դրա հետևանքով երթևեկության մյուս մասնակիցների համար խոչընդոտ կամ վթարային իրադրություն առաջացնելու ակնհայտ վտանգ չի ստեղծվել, հետևաբար առկա չէ իրավական որևէ հիմք դիմումատուի արարքը նվազ նշանակություն ունեցող գնահատելու համար:

Տեսանյութը փաստում է, որ կանգառը չի կատարվել միայն ուղևոր նստելու կամ իջնելու նպատակով, գերազանցել է **սահմանված մեկ թույլ ժամանակահատվածը**, ուստի իրավախախտումը նվազ նշանակություն ունենալ չի կարող:

Վարչական իրավախախտումների վերաբերյալ ՀՀ օրենսգրքի 124-րդ հոդվածի 21-րդ մասի համաձայն տրանսպորտային միջոցների վարորդների կողմից կանգառի և (կամ) կայանման կանոնները խախտելը՝ առաջացնում է տուգանքի նշանակում՝ սահմանված նվազագույն աշխատավարձի հնգապատիկի չափով, տուգանային միավորի կիրառում՝ 0.5 միավոր:

Ինչ վերաբերում է 53 վայրկյան տեսանյութի տևողության մասին դիմումատուի պնդմանը, ապա դա ոչ թե դիմումատուի կողմից կատարած իրավախախտման տևողությունն է, որը կազմել է 75 վայրկյան, այլ այդ փաստն արտացոլող տեսանյութի տևողությունը:

Այսպիսով հիմնավորվել է, որ դիմումատուին վարչական պատասխանատվության ենթարկելու մասին վերը նշված որոշումն իրավաչափ է և օրինական:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 08.05.2023թ. թիվ 2316360962 որոշումը թողնել անփոփոխ, իսկ վարչական բողոքն առանց բավարարման.
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ Վարչական դատարան օրենքով սահմանված կարգով և ժամկետներում.
3. Սույն որոշման օրինակն ուղարկել Եվա Սմբատյանին:



Ն. Սարգսյան